

Yesu Alikuwa Kumtafuta Kondoo Aliyepotea

Sikuja kuwaita wenye haki, bali wenye dhambi, wapate kutubu—Luka 5:32.

Yesu alipokuwa duniani, alikamilisha kazi ambayo kwayo Aliacha kiti cha enzi cha Mungu mbinguni. Alifanya kazi kwa ajili ya jamii ya wanadamu, ili kwamba kupitia kwa kazi Yake, wanadamu wainuliwe katika kipimo cha thamani cha kimaadili pamoja na Mungu. Alichukua asili ya mwanadamu, ili kwamba Aweze kuiadilisha familia ya wanadamu, akiwafanya kuwa washirika wa asili ya Mungu, na kuwaweka mahali pafaapo kuwa pamoja na Mungu. Utendaji Wake wote umekuwa kwa niaba ya ulimwengu alioasi—ili kutafuta kondoo aliyetanga mbali zizini, na kumleta tena kwa Mungu....

Bwana alituona tukiwa katika hali ya kusikitisha, na akamtuma Mjumbe pekee kwa ulimwengu wetu ambaye angeweza kumkabidhi hazina Yake kuu ya msamaha na neema. Yesu, Mwana wa Mungu wa pekee, alikuwa mjumbe mwakilishi. Aliwekwa wakfu ili kuifanya kazi ambayo hata malaika wa mbinguni wasingeweza kuikamilisha. Ni Yeye peke Yake ambaye angeweza kuaminiwa kuifanya kazi iliyotakiwa kwa ajili ya ukombozi wa ulimwengu wote uliosetwa na kuharibiwa kwa laana. Na katika zawadi hii Baba alitoa mbingu yote kwa ulimwengu.

Ni mabadiliko ya ajabu jinsi gani kwa Mwana wa Mungu, Yeye ambaye aliabudiwa na malaika, aliye Nuru ya mbinguni! Angeweza kwenda kwenye makazi ya kupendeza ya ulimwengu ambao haukuanguka, kwenye angahewa safi ambapo ukosefu wa uaminifu na uasi havikuwahi kujipenyeza; na hapo Angepokelewa kwa shangwe za sifa na upendo. Lakini ilikuwa ni ulimwengu ulioanguka ambao ulihitaji Mkombozi. “Sikuja kuwaita wenye haki,” Alisema, “bali wenye dhambi, wapate kutubu.” Alikuwa kumwakilisha Baba katika kuleta ujumbe wa matumaini na wokovu kwa ulimwengu. Hakuishi kwa ajili Yake Mwenyewe; Hakutafuta Amani na furaha Yake mwenyewe; Hakukubali majaribu; Alikubali kufa ili kwamba wanadamu wenye dhambi waweze kukombolewa na kuishi milele kwenye makao ambayo Angewaandalia. Utume Wake ulikuwa ni kufundisha nafsi ambazo zilikuwa zinakufa katika dhambi zao.

Yesu aliweka kazi hii juu ya kila mtu ambaye Amemnunua. Bwana atatoa nuru ya kutosha kwa wote ambao watakuwa wa kweli na waaminifu Kwake.... Rehema na mvuto wa neema ya Roho Wake unabaki kuwa sawa kwa ajili ya wote watakaovipokea. Ahadi Yake ya wokovu haibadiliki. Ni mwanadamu ambaye anageuza uhusiano wake kwa Mungu. Wengi wanajiweka mahali ambapo hawawezi kutambua neema Yake na wokovu Wake....

Mungu hakuacha kufanya chochote ambacho angeweza kukifanya kwa ajili yetu. Alitoa mfano kamili wa tabia Yake katika tabia ya Mwanawe; na ni kazi ya wafuasi wa Yesu, wanapoutazama ubora usio kifani wa maisha na tabia Yake, ili kukua kafikia mfano Wake. Wanapomwalia Yesu na kuitikia upendo Wake, wataakisi mfano wa Yesu (*The Review and Herald*, Februari 15, 1898).